

Hoz es la Not dal barlot



AVRIGL

 Schweizerische Eidgenossenschaft
Confédération suisse
Confederazione Svizzera
Confederaziun svizra

text: Chattrina Josty, illustration: Yvonne Giènal,
grafica: Theres Jäger
© Lia Rumantscha

KIDSFITSCH
Lia Rumantscha

Uffiz federal da cultura UFC

La Not dal barlot

Quist mais nu do que ün di speciel dimpersè üna not speciela! La not dals 30 avrigl süls prüms meg vain eir numneda «La not dal barlot». Pü bod as dschaiva cha las strias vegnan our quella not per suter e fer «barlot», dimena, rir, fer festa e striuner insembel. Cugnuoschast tü l'istorgia da la strietta? In quella vo que eir per la not dal barlot. Eir la strietta sutess quella not gugent cullas strias grandas. Ma ella ho pür 127 ans e perque nu piglian las strias pü veglias serius ad ella. Oramai ch'ella nun es auncha üna granda stria, voul ella almain esser üna buna stria e striuner bunas robas pels umauns. Que nu plescha però a las otras strias. Sur da strias do que bgeras istorgias, per exaimpel istorgias da fantasia

scu quella da la «strietta», da la stria «Lili» u da «Bibi Blocksberg». Sur da strias do que però eir istorgias chi sun vaira e fich tristas. Pü bod as numnaiva a tschertas duonnas «strias», perque cha's crajaiva ch'ellas sajan noschas cun oters. Ed alura as trattaiva fich mel a quistas duonnas. Quels temps sun per furtüna passos e la not dal barlot tuocha a quels chi vöglian festager la fin da l'inviern e l'arriv da la prümavaira – cun passer üna not ün pô misteriusa cun qualche «abracadabra» e «sim-salabim!»


Cugnuoschast tü l'istorgia da la strietta?

- Otfried Preussler, Winnie Gebhardt-Gayler
La strietta
Lia Rumantscha, 1993
da retrer sün www.liarumantscha.ch

Che istorgias da strias
cugnuoschast tü?

Cugnuoschast tü otras festas
da prümavaira?


Chenüna es tia üsaunza
prediletta?



Idejas per üna Not dal barlot

1

Perche na fer ün'egna not dal barlot.
Cò ün pêr idejas cha tü pudessast
realiser cun tieus genituors e tias
amias strias e tieus amihs striuns!




tè da strias
Per fer ün tè da strias cotschen couschast
ova, fest ün tè da frütta u da frouslas e
mettast tiers ün pô schü dad orandschas
da saung, que do üna bella culur!



versets da striuner
Imprenda ourdadour ün verset da
striuner. Tü chattast versets da
striuner süllas prosmas paginas.

vstieus da strias
Forsa cha tia nona ho auncha vstieus
(schochas lungias, blusas, chapels e
tü poust impraster ils vstieus per at
travestir da stria!

ün fö
 Fo insembel cun üna persuna creschida
 (scha quella do il permiss) ün fö our
 i'l liber. U forsa cha vus vais üna coppa
 da fö in üert? Ün fö do chod e vus
 pudais suter intuorn el!



scua da strias
 Guarda sülla prosma pagina, cu
 cha tü poust zambrager üna scua
 da strias.

schoppa da strias
 Cun agüd dad üna persuna creschida
 tagliast rischmelnas, ardöffels e
 selerin (u otra verdüra tenor gust).
 Agiundscha buglion e lascha couscher
 la schoppa düraunt circa 30 minuts.
 Quista schoppa pudais tgnair chod
 e scha vus vulais, pudais metter aint
 auncha ün pêr lianginas 20 minuts
 aunz cu servir la schoppa. Forsa vais
 vus perfin üna padella pü granda
 per fer la schoppa sül fö?

chanzun da la strietta Irma
 Chaunta la chanzun da la strietta
 Irma. Tü chattast il text e la melodia
 süllas prosmas paginas.



**Ecca, furecca,
serecca, siricca,
ripetta, tipetta
e plum.**

**Ene, dene, diade,
diade, di salome,
salome, digattriga,
gattri, gattri, plums.
Eni, beni, subtraheni,
divi, davi, domi, neni,
ecca, brocca, casa, nocca,
zinghela, zanghela, zisch!**

**Acca,
bacca,
schmella,
trella,
or,
bos,
ensi pensi
daga nos
tira la murla
puf.**

**Ene, mene, mente,
locum, tocum, tente,
carabutti,
cassatutti,
simsalabim,
ed uoss'es tuot a fin.**

Tü drouvast:

- ramins da vduogna, ca. 50–60 cm lungs
 - ün bastun gross u ün manch da scua
 - filfier
 - corda
- 1 Ramassa taunta fruos-cha cha basta per fer ün püschel dad ün diameter d'almain 10 cm. Fo il prüm pitschens mantuns culla fruos-cha. Metta ün sün l'oter ils ramins, uschè cha'ls töchs sün tuots insembel d'üna vart.
 - 2 Piglia uossa il bastun u il manch da scua e plazzescha ils ramins uschè cha vo da'ls metter regulermaing intuorn il bastun. Fixescha'ls cul filfier. Que drouva bgera forza – lascha fer que dad üna persuna creschida chi ho aint guants.

- üna forsk d'üert
- üna zaungia
- üna forsk
- culur d'acril, pennas u bindels da stoffa, perlas ed oter materiel per decorer la scua

- 3 Cur cha tuot ils ramins sun francos bain vi dal bastun gross, poust tü piglier üna corda e lier quella intuorn, per cha tuot tegna bain insembel.
- 4 Uossa pera que auncha dad esser üna scua per la via – cu dvaint'la propi tia?
Piglia pennas e perlas per la deco-
raziun – uossa do que üna scua per
stria e striun!

